

Engagement With HR Managers

Seminar *Engagement with HR Managers* merupakan wadah perkongsian maklumat mengenai program-program latihan yang akan dianjurkan oleh INTURA sepanjang tahun 2019 kepada Pengurus Sumber Manusia di jabatan dan agensi di Wilayah Utara.

Seminar ini juga bertujuan untuk mendapatkan maklum balas dan cadangan keperluan program latihan di jabatan dan agensi di Wilayah Utara.

Seramai 301 orang peserta telah menghadiri seminar ini yang telah berlangsung pada 17 Januari 2019 bertempat di Dewan Jubli Perak, INTAN Wilayah Utara.

Seminar ini telah dirasmikan oleh YBrs. En Aizal bin Mazlan, Pengarah INTAN

Wilayah Utara. Beliau menekankan tentang pentingnya maklumbalas dan cadangan dari Pengurus Sumber Manusia dari setiap jabatan untuk INTURA menambahbaik keperluan dan pengisian kursus yang akan dianjurkan pada masa hadapan.

Seterusnya Taklimat Program Latihan bagi tahun 2019 telah disampaikan oleh Cik Fathy Faizura bt Mohd Isa. Beliau telah berkongsi tentang kursus yang dianjurkan oleh INTURA sepanjang tahun 2019 dan turut mempromosikan kursus baru yang ditawarkan pada tahun 2019.

Sneek Peek : We Serve pula telah disampaikan oleh Pn. Aishah bt. Musa. Antara kandungan ceramah beliau termasuklah 3 jenis kursus We Serve yang dianjurkan oleh JPA dan 8 ciri We Serve.

Kursus iTOP 2019

Kursus Transformasi Organisasi INTAN Kampus Wilayah Utara (iTOP) 2019 untuk warga INTURA telah berlangsung pada 22 hingga 24 Januari 2019 bertempat di Akademi Jabatan Pengangkutan Jalan Malaysia, Ayer Molek, Melaka.

Antara tujuan utama kursus ini adalah untuk memupuk semangat bekerja secara berpasukan dan meningkatkan motivasi dan kecemerlangan diri peserta yang terdiri daripada warga INTURA. Selain itu, kursus selama tiga hari ini juga bertujuan untuk membantu peserta untuk mengembangkan potensi dan idea kreatif di dalam setiap aktiviti yang dijalankan dan secara tidak langsung merupakan platform warga untuk menyumbang secara efektif kepada misi dan visi jabatan.

Antara pengisian aktiviti termasuklah pengenalan kepada pengukuhan pasukan di mana para peserta telah didedahkan dengan *energizer*, penyelesaian masalah, persaingan individu dan kumpulan serta penyatuan kumpulan. Peserta juga turut didedahkan dengan kaedah membuat Training Need Analysis untuk setiap aktiviti yang dirancang.

Selain daripada aktiviti pengukuhan pasukan, para peserta turut berpeluang melawat ke Istana Budaya dan diberi pendedahan berkenaan fungsi Bahagian Khidmat Pengurusan, Bahagian Pemasaran dan Pengurusan Panggung, Bahagian Teknikal,



Peserta iTop bersama YBrs. PWU

Bahagian Produksi, Bahagian Muzik dan Bahagian Senireka. Para peserta turut berpeluang menyaksikan persembahan dari Artis Tari yang mempersembahkan tarian kebudayaan negeri-negeri di Malaysia. Para peserta turut berpeluang melawat sekitar Istana Budaya termasuk Panggung Sari dan Lambang Sari. YBhg. Dato' Mohamed Juhari Bin Shaarani, Ketua Pengarah Istana Budaya turut meraikan peserta dan beramah mesra dengan En Aizal bin Mazlan, Pengarah INTAN Wilayah Utara.

Mutiara Kata

A dream doesn't become reality through magic;
it takes sweat, determination and hard work.



JANUARI
2019

Terbitan Dalam INTURA

Berita @ INTURA

INTAN KAMPUS WILAYAH UTARA

Learn . Lead . Legacy